

INUIT ATAQATIGIIT

Inatsisartuni



UPA 2019/171
24-04-2019
Sofia Geisler

Ilagiit naalagaaffiup tapersersugaasa avataatigut upperisaqatigiit allat pillugit inatsisissaq pillugu danskit Naalagaaffiup oqartussaataannut Naalakkersuisut saaffiginneqqullugit peqquneqarnissaat siunertaralugu Inatsisartut aalajangiiffigisassaattut siunnersuut.

(Inatsisartuni ilaasortaq, Mimi Karlsen, Inuit Ataqatigiit)

Mimi Karlsenip siunnersuut pisariaqarluinnartoq saqqummiuppa.

Qallunaat Folketingiata 2017-mi upperisarsioqatigiit Ilagiit Lutherikkut avataanniittut pillugit inatsit akuersissutigaat. Inatsit nutaaq naapertorlugu upperisarsioqatigiinnut Ilagiit Lutherikkut avataanniittut sunik pisinnaatitaaffeqarnersut pisussaaffeqarnersullu ersarissillunilu paasinarsivoq. Maani nunatsinni inatsimmik taamaattumik atulersitsinissap misissornissaa pissusissamisoorpoq.

Imaanngitsoq Europami nunami 4000 kilometerisut ungasitsigisumiittumi suut atulersinneqarnerat issuarusuinnarlugu. Maanili nunami inuiaqatigiinni inatsisiliatsinnut akerliunngitsumik kikkut tamarmik upperisaminnut naapertuuttumik nammineq Guutiminnik upperisarsiornissamik pisinnaatitaaffeqarnerannik oqartarnerput aalajangiusimavarput. Taamattaaq upperisarsioqatigiinni assigiinngitsuni isumaginninnermut sammisumik annertuumik suliaqartoqarnera pitsaasutut isigaarput.

Taamaammat Mimi Karlsenip siunnersuutaa Inuit Ataqatigiit tamakkiisumik taperserpaat.